



## **TOSHKENT DAVLAT YURIDIK UNIVERSITETI REKTORINING B U Y R U G ' I**

29.03.2024

50-um-son

### **“Scopus” ilmiy-texnik ma’lumotlar hamda “SciVal” ilmiy-analitik tahlil bazalaridan foydalanish bo’yicha obunani tashkil etish to’g’risida**

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo’yicha qo‘shimcha chora-tadbirlar to’g’risida”gi PF–5987-son va 2019-yil 8-oktabrdagi “O‘zbekiston Respublikasi oliy ta’lim tizimini 2030-yilgacha rivojlantirish konsepsiyasini tasdiqlash to’g’risida”gi PF–5847-son farmonlarida belgilangan vazifalarning ijrosini ta’minlash hamda Toshkent davlat yuridik universiteti (keyingi o‘rinlarda – universitet) professor-o‘qituvchilari, doktorant va mustaqil izlanuvchilarining ilmiy-tadqiqot faoliyati samaradorligini oshirish, shuningdek, universitetning xalqaro tan olingan oliy ta’lim muassasalari reytinglariga kiritish bo’yicha chora-tadbirlarning samaradorligini oshirish maqsadida

### **B U Y U R A M A N:**

1. Universitetning investitsiyaviy jozibadorligini oshirish, ularni QS va THE xalqaro reyting agentliklarining ro‘yxatiga kiritish uchun universitet bilan “Elsevier” kompaniyasi (Niderlandiya) o‘rtasida “Scopus” ilmiy-texnik ma’lumotlar hamda “SciVal” ilmiy-analitik tahlil bazalaridan foydalanish uchun xizmat ko‘rsatish shartnomasi imzolanganligi ma’lumot uchun qabul qilinsin.

2. Ilmiy boshqarma (J.Allayarov):

xalqaro ilmiy hamkorlikni rivojlantirish uchun “SciVal” ilmiy-analitik tahlil tizimi ma’lumotlari asosida universitetning faoliyatini monitoring qilib borsin;

universitet professor-o‘qituvchilari, doktorant va mustaqil izlanuvchilari tomonidan ushbu bazalardan maqsadli foydalanishini ta’minlasin.

3. Buxgalteriya (M.Parpiyev) ushbu bazalarga obuna to’lovini amalga oshirish yuzasidan tuzilgan shartnomaga muvofiq \$ 17 640 (o‘n yetti ming olti yuz qirq AQSh dollari) miqdoridagi mablag‘ni universitetning budjetdan tashqari mablag‘lari hisobidan to’lanishini ta’minlasin.

4. Mazkur buyruq ijrosini nazorat qilish Ilmiy ishlar va innovatsiyalar bo'yicha prorektor B.Xodjayev va Moliya-iqtisod ishlari bo'yicha prorektor A.Iminov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Boshqarma boshlig'i

J.ALLAYOROV



## **Kelishildi:**

Ilmiy ishlar va innovatsiyalar  
bo'yicha prorektor

B.XODJAYEV



Moliya-iqtisod ishlar bo'yicha  
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV

